



COLEXIO OFICIAL DE
PROTÉSICOS DENTAIS
DE GALICIA
CONSELLO GALEGO

COLEXIO OFICIAL DE PROTÉSICOS
DENTAIS DE GALICIA

21 de marzo de 2022

REXISTRO SAÍDA Nº 84

NOTA INFORMATIVA Nº 1/2022

Santiago de Compostela, 21 de marzo de 2022

CREACIÓN DO REXISTRO DE ESTUDANTES DO CICLO DE GRAO SUPERIOR EN PRÓTESE DENTAL PERTENCENTES AO CENTROS DE ENSINO DA COMUNIDADE AUTÓNOMA DE GALICIA.

O Colexio de Protésicos Dentais de Galicia consciente da necesidade de actualización constante que require a profesión de Protésico Dental así como da necesidade de formación dos futuros profesionais e compañeiros de profesión no tocante ás novas tecnoloxías e outras especialidades que require o desenvolvemento efectivo da profesión de protésico dental, acordou na Sesión Ordinaria nº 6/2021 do Pleno da Xunta de Goberno, celebrada con data de 16 de outubro a creación do **REXISTRO DE ESTUDANTES** do Ciclo de Grao Superior en Prótese Dental, destinado ao uso libre e gratuíto por todos os estudantes de prótese dental pertencentes ao centros de ensino da Comunidade Autónoma de Galicia.

O devandito Rexistro de Estudantes ten por obxecto **a mellora constante do nivel de calidade das prestacións profesionais aos estudantes** promovendo a súa formación e perfeccionamento, así como para velar pola satisfacción dos intereses dos estudantes de prótese dental relacionados co exercicio da profesión de protésico dental.

Poderán facer uso do servizo todos os estudantes do Ciclo de Grao Superior en Prótese Dental pertencentes ao centros de ensino públicos e privados, da Comunidade Autónoma de Galicia, que se atopen cursando tanto o primeiro como o segundo curso do ciclo ou estean a cursar cursos de posgrao ou especialización unha vez finalizado ciclo.

Normas de Funcionamento

1.- A inclusión no Rexistro de Estudantes de prótese dental realizarase previa petición no modelo normalizado, dirixida ao Presidente do Colexio Oficial de Protésicos Dentais de Galicia, formulada polo/a estudante en cuestión e terá un custe simbólico de 12,00 euros.



COLEXIO OFICIAL DE
PROTÉSICOS DENTAIS
DE GALICIA
CONSELLO GALEGO

2.- Será requisito esencial acompañar xunto co modelo normalizado copia dunha certificación do centro de formación no que estea a cursar o peticionario, acreditando a condición de alumno do devandito centro de formación.

3.- Aprobada a inclusión no Rexistro o estudante adquirirá a condición de **PRE-COLEXIADO** sendo notificada a dita inclusión no Rexistro ao interesado.

4.- A aprobación da inclusión no Rexistro de Estudantes outorgará ao interesado o dereito a obter un **carne** no que figure a súa condición de pre-colexiado o cal servirá para a acreditación como membro de pleno dereito do Colexio Oficial de Protésicos Dentais de Galicia.

5.- Os/as estudantes de prótese dental que formen parte do Rexistro, estarán obrigados a comunicar calquera variación que se produza en relación coa súa situación persoal como estudantes do dito Ciclo (cambio de centro, repetición de curso, ampliación de estudos, cambio de especialidade...).

6.- O estudante de prótese dental formará parte do Rexistro de Estudantes de Prótese dental, e manterá a súa condición de pre-colexiado, exclusivamente durante o tempo en que estea a cursar os seus estudos. O Colexio procederá a cancelación de oficio, da inscrición do alumno no devandito rexistro unha vez transcorrido de dous anos para os estudantes do primeiro curso e dun ano para os alumnos do segundo curso. Agás indicación en contrario sexa por implantación, prórroga e cumprimento de estudos na mesma especialidade, máster, etc.

7.- Coa inclusión no Rexistro de Estudantes de Prótese Dental, o estudante pasará a ser membro de pleno dereito do Colexio Oficial de Protésicos Dentais de Galicia recibindo o mesmo tratamento que se dun colexiado se tratase, estando sometido ao mandato do Decreto 304/2008, de 9 de outubro, polo que se aproban os Estatutos do Colexio, e dispoñendo do catálogo de servizos que o Colexio ofrece a todos os colexiados, asesoramento xurídico, servizo de formación continuada, acceso á bolsa de emprego, así como á zona privada da web, acceso ao servizo de información periódica mediante a web, correo electrónico e redes sociais de todas as noticias, eventos, cursos e actividades que teñan relación co exercicio da actividade de protésico dental e disfrutando dos convenios de colaboración que o Colexio mantén con entidades públicas e privadas que outorgan unhas condicións especialmente vantaxosas para os colexiados.

8. Unha vez rematados os estudos e prórrogas de especialización, máster ou beca, os xa recién titulados poderán beneficiarse da bolsa de emprego. Poderán colexiarse beneficiándose dun período de carencia nos custes asociados á tramitación da inscrición (150,00 €), abonando tan só a cota na súa condición de colexiado non exercente (12,00 €) beneficiándose a todos os efectos da súa colexiación dos servizos, convenio de colaboración e demais ventaxas... integrándose na normalidade estatutaria do Colexio Oficial de protésicos Dentais de Galicia, que se matera ata asinar o seu primeiro




COLEXIO OFICIAL DE
PROTÉSICOS DENTAIS
DE GALICIA
CONSELLO GALEGO

contrato laboral para o exercicio profesional por conta allea ou darse de alta no RETA como profesional autónomo. Deste xeito, adquiriría a condición de colexiado xa exercente, rematando o período de carencia anteriormente sinalado debendo satisfacer os custes asociados á tramitación da alta, ben nun pago único ou nun pago fraccionado xunto coa cota colexial ordinaria (35,00 €).

Toda a información así como o modelo de normalizado de solicitude de inclusión no Rexistro de Estudantes poderase atopar na web www.coprodega.es.

Para calquera aclaración, podedes poñervos en contacto coa Secretaría Técnica do Colexio ben por teléfono, chamando ao 981 571 017, correo electrónico: secretaria@coprodega.es ou ben de forma presencial na sede social sita na rúa Hórreo nº 7, 1º Dereita de Santiago de Compostela.

Un saúdo,



Asdo.: Avelino J. Sanmartín Caamaño
Presidente do C.O.P.D.G.